



Clybiau
Plant Cymru
Kids' Clubs

FO/08/26

SWYDDOG GRANT A CHYLLID

Pecyn Ymgeisio

I GYRCHU'R PECYN YMA YN
SAESNEG, CLICIWCH YMA

A company limited by guarantee 4296436
Registered Charity 1093260 Working in partnership with:



AMDANOM NI

Clybiau Plant Cymru Kids' Clubs yw'r gyfundrefn genedlaethol ar gyfer Clybiau Gofal Plant All-Ysgol yng Nghymru.

Ein gweledigaeth yw Cymru lle mae plant yn chwarae a chymunedau'n ffynnu.

Ein cenhadaeth yw bod yn llais Clybiau Gofal Plant All-Ysgol yng Nghymru, gan gefnogi hawl plant i chwarae a gofal plant o ansawdd sydd yn gynaliadwy, yn fforddiadwy ac yn diwallu anghenion plant, eu teuluoedd a'u cymunedau.

Am wybodaeth bellach ar ein gwerthoedd a'n nodau strategol i Glybiau All-Ysgol, cliciwch yma.

Mae Clybiau Gofal Plant All-Ysgol yn rhedeg naill ochr i'r diwrnod ysgol ac yn ystod y gwyliau, gan alluogi rhieni/gofalwyr i ddychwelyd i'w gwaith neu hyfforddiant a phlant i fwynhau darpariaeth o ansawdd sy'n canolbwyntio ar chwarae ac wedi ei staffio gan Weithwyr Chwarae cymwysedig. Mae dros 1500 o Glybiau Brecwast, Ôl-Ysgol a Gwyliau Cymraeg, Saesneg a dwyieithog ar hyd a lled Cymru.

Fel elusen gofrestredig, Bwrdd Ymddiriedolwyr gwirfoddol neu Gyfarwyddwyr sy'n gwneud penderfyniadau polisi Clybiau Plant Cymru Kids' Clubs. Etholir y bobl hyn yn flynyddol a dônt o Glybiau All-Ysgol ar hyd a lled Cymru.

Rydym yn darparu cefnogaeth a hyfforddiant i fusnesau gofal plant:

Cefnogaeth i Fusnesau Gofal Plant

Gallwn helpu unigolion, ysgolion, darparwyr gofal plant presennol, aelodau pwyllgor ac eraill i sefydlu busnesau gofal plant, a chefnogi'r rhai sy'n bodoli eisoes.

Hyfforddiant

Rydym wedi bod yn hyfforddi'r sector Gofal Plant All-ysgol ers dros 20 mlynedd i ddatblygu gweithlu proffesiynol sy'n cofleidio ac yn cefnogi chwarae y mae plant yn ei hunan-gyfarwyddo.

Rydym yn darparu cymwysterau Gwaith Chwarae (Mae NCFE, y corff dyfarnu cymwysterau, yn ein graddio'n 'rhagorol'. Hefyd Datblygiad Proffesiynol Parhaus ac ystod o weithdai gweithgaredd yn seiliedig ar chwarae. Gweler ein digwyddiadau a'n Cyfarwyddiadur hyfforddi diweddaraf [yma](#).

MANTEISION GWEITHIO GYDA NI

Profwch y gwahaniaeth a wna Clybiau Plant Cymru Kids' Clubs

Effaith sydd o Bwys:

Profwch wir lawenydd cael barhaol ar fywydau ifanc.

Yn Clybiau Plant Cymru Kids' Clubs byddwch yn rhan o dîm sy'n creu Cymru lle gall plant chwarae a chymunedau ffynnu.

Eich Amser i Ymlacio

Mwynhewch egwyl cwbl haeddiannol gyda'n pecyn gwyliau hawl. Rydym yn credu mewn cydbwysu bywyd a gwaith, ac yn sicrhau eich bod yn cael amser i ail-gyfnethu a mwynhau bywyd y tu hwnt i'r gweithle.

Hyblygrwydd sy'n Hwylus:

Rydym yn deall y gofynion sydd arnom mewn bywyd. Cewch gofleidio gyrfa llawn boddhad gan hefyd fwynhau'r hyblygrwydd sydd ei angen arnoch drwy ein cynlluniau Amser o'r Gwaith â Thâl a Gweithio Ystwyth. Mae eich llesiant o bwys, ac rydym ni yma i'ch cefnogi ar eich taith.

Rhyddhewch eich Potensial: :

Agorwch y drws i fyd o dyfiant drwy ein hyfforddiant cynhwysfawr a'n rhaglenni datblygu.

Yn Clybiau Plant Cymru Kids' Clubs, buddsoddwn yn eich sgiliau, gan sicrhau eich bod yn cyrraedd eich potensial i'r eithaf.



100 % YN CYTUNO

Dwi'n teimlo mod i'n cael fy annog i feddwl am ffyrdd newydd a gwell o wneud pethau



100 % YN CYTUNO

Mae fy swydd yn gwneud defnydd da o'm sgiliau a'm galluedd



100 % YN CYTUNO

Rwy'n cael fy annog i wneud fy ngorau



100 % YN CYTUNO

Mae'r sefydliad yn arddangos yn weledol ymrwymiad i ansawdd



CLYBIAUPLANTCYMRU.ORG

REGISTERED CHARITY/ELUSEN GOFRESTREDIG: 10932601
COMPANY LIMITED BY GUARANTEE/CWMNI CYFYNGEDIG
TRWY WARRANT: 4296436



MANTEISION GWEITHIO GYDA NI

Er mwyn eich llesiant

Trefniadau gweithio hyblyg, gweithio hybrid, cyfleoedd hyfforddi a datblygu yn ogystal â mynediad at ein Hyb Lles a Hyrwyddwyr Iechyd Meddwl, cyfarfodydd goruchwyllo misol gyda'ch rheolwr llinell ac arfarniadau blynyddol.

Er mwyn eich iechyd

28 diwrnod o wyliau pro rata ynghyd â gwyliau cyhoeddus (pro-rata ar gyfer gweithio rhan-amser) ynghyd â manteision ychwanegol yn seiliedig ar hyd y gwasanaeth a ddaw ar gael am 3 blynedd o wasanaeth a 5 mlynedd o wasanaeth sy'n cynnwys diwrnodau gwyliau blynyddol ychwanegol a mynediad i Perkbox. Rydym hefyd yn darparu yswiriant iechyd corfforaethol trwy Simply Health lle, ar ôl cyfnod prawf o chwe mis, mae gweithwyr sydd wedi'u cadarnhau yn eu swydd yn cael Yswiriant Simply Health – yn rhad ac am ddim – a'r opsiwn i dalu am yswiriant ychwanegol ar gyfer priod / partner a phlant.

Er mwyn eich diogeledd ariannol

Mae Clybiau Plant Cymru Kids' Clubs yn gweithredu cynllun pensiwn rhanddeiliaid ar y cyd ag Aviva. Gall cyflogeion, yn amodol ar rai meini prawf cymhwysedd, ymuno â'r cynllun pensiwn. Bydd cyflogeion cymwys yn cael cyfraniad o 6% tuag at eu pensiwn gan Clybiau Plant Cymru Kids' Clubs, cyhyd â bod y cyflogai'n cyfrannu 2% o'i gyflog crynswth sylfaenol i'r cynllun. Hefyd tâl mamolaeth estynedig, tâl tadolaeth a thâl mabwysiad.

Telir lwfans milltired tra ar fusnes Clybiau Plant Cymru Kids' Clubs. Yn ogystal telir treuliau parod, cyfyngedig, am deithio a chynhaliath tra byddir ar fusnes Clybiau Plant Cymru Kids' Clubs. Ôl-delir treuliau yn fisol.



SUT BETH YW GW ITHIO I CLYBIAU PLANT CYMRU KIDS' CLUBS?



“

Rwy'n cael bod y cytundeb gweithio ystwyth ynghyd â'r system TOIL yn cyd-fynd yn dda â'm hymrwymadau ac yn rhoi cydbwysedd da rhwng bywyd a gwaith. Mae fy rôl yn rhoi boddhad i mi ac rwy'n mwynhau bod yn rhan o dîm sy'n cyd-dynnu.

”

“

Rydw i wir yn mwynhau gweithio i Clybiau Plant Cymru Kids' Clubs, mae'r fîm i gyd yn gyfeillgar ac yn wych i weithio gyda nhw. Rwy'n mwynhau fy rôl fel Swyddog Datblygu Busnes Gofal Plant yn cefnogi llywodraethu, cynaliadwyedd ac ansawdd mewn clybiau Gofal Plant y tu allan i oriau ysgol, gan fod fy ngwaith yn amrywiol iawn ac nid oes dau ddiwrnod yr un fath. Rwy'n cael pleser gwirioneddol o gefnogi'r sector, yn ogystal â gwybod fy mod yn gwneud gwahaniaeth i roi gofal plant cynaliadwy o safon a phrofiadau chwarae mewn Clybiau Gofal Plant All-Ysgol.



”



“

Fel aelod newydd o'r fîm rydw i wedi cael croeso gyda breichiau agored ac yn teimlo fel pe bai'r rhan o'r fîm wedi bod yma am gyfnod byr yn unig. Mae'n lle hyfryd, prysur i weithio ac mae pawb wedi bod yn gyfeillgar a chefnogol iawn.

”

RÔL Y SWYDDOG GRANT A CHYLLID

Mae Clybiau Plant Cymru Kids' Clubs yn dymuno penodi Swyddog Grant a Chyllid rhan-amser (18.5 awr), i'w leoli yn ein swyddfa yn nail Caerdydd, Crosshands neu Bae Colwyn, gyda chytundeb gweithio ystwyth yn ei le.

Mae'r cyflog o £33,366 (£34,433 yn ôl y gyfradd ar ôl derbyn cadarnhad mewn swydd) wedi ei seilio ar wythnos 37 awr, yn daladwy'n fisol drwy drosglwyddiad credyd. Mae oriau hyblyg yn ofynnol i'r swydd hon, a gallai gynnwys nosweithiau, penwythnosau a nosau achlysurol oddi cartref. Mae 28 diwrnod o wyliau yn ôl y gyfradd ynghyd â gwyliau cyhoeddus. Rhed y flwyddyn wyliau o 1 Medi i 31 Awst.

Bydd yr ymgeisydd llwyddiannus yn atebol i'r Prif Swyddog Gweithredol.. Mae prif gyfrifoldebau'r Swyddog Grant a Chyllidwedi eu rhestru yn y meini prawf gwerthuso. Bydd arnoch angen dealltwriaeth o becynnau Windows a Microsoft, gan cynnwys Word, Excel, Outlook a Teams, a bod yn barod i ddysgu am – a defnyddio – pecynnau meddalwedd newydd a systemau monitor ar-lein.

Prif ffocws y rôl yw gosod, cydlynu a rheoli strategaeth cyllid cenedlaethol y sefydliad, gan diogelu cyllid cynaliadwy er mwyn sicrhau cyllid cynaliadwy i gefnogi blaenoriaethau sefydliadol a galluogi parhad rolau, gwasanaethau a phrosiectau allweddol.

Dylai fod gan yr ymgeisydd llwyddiannus ymagwedd hyblyg at waith a gallu addasu i bwysau, terfynau amser a llwythi gwaith amrywiol. Rydym yn ceisio cyflogi unigolyn sy'n awyddus i ddysgu a chyflawni ei botensial drwy ddatblygu i ateb y manylion a nodir yn y meini prawf gwerthuso. Byddwn yn gweithio gyda'r unigolyn i ddeall a bodloni gofynion y rôl, parhau â'i ddatblygiad proffesiynol a thyfu gyda'r tîm a'r sefydliad.

Mae pob gweithiwr yn chwarae rhan hanfodol wrth hyrwyddo cynllun strategol y sefydliad.

Os ydych yn awyddus i ymuno â'n tîm; yn flaengar, brwdfrydig, egnïol, a hyblyg yn eich agwedd at waith, edrychwn ymlaen at dderbyn eich cais.

Mae pob cynnig o gyflogaeth yn amodol ar eirida boddhaol a chyfnod prawf o chwe mis.

Mae pob cynnig cyflogaeth yn amodol ar eirida boddhaol a chyfnod prawf o chwe mis. Bydd angen gwiriad DBS Uwch cyn dechrau'r swydd, a chaiff y gost ei thalu gan Clybiau Plant Cymru Kids' Clubs.

Mae sicrhau cyllid parhaus yn her gydnabyddedig yn y sector gwirfoddol. Mae Clybiau Plant Cymru Kids' Clubs yn derbyn cyfuniad o gyllid craidd a chyllid prosiect gan Llywodraeth Cymru, a chyllid ychwanegol wedi'i gomisiynu gan rai Awdurdodau Lleol i gefnogi datblygiad Gofal Plant All-Ysgol yn eu siroedd, a chyllid prosiect gan elusennau ac ymddiriedolaethau. Bydd angen i'r Swyddog Cyllid nodi, datblygu a sicrhau cyllid parhaus yn rhagweithiol er mwyn cynnal rôl y Swyddog Cyllid a chefnogi darpariaeth barhaus blaenoriaethau strategol y sefydliad.

DISGRIFIAD SWYDD

Teitl y Swydd

Swyddog Grant a Chyllid

Lleoliad

Wedi'i lleoli yn un o'n swyddfa yng Nghaerdydd, Bae Colwyn neu Cross Hands, gyda pholisi gwaith ystwyth yn ei le

Oriau Gwaith

18.5 awr yr wythnos (Dydd Llun – Dydd Gwener)

Yn Atebol I'r

Prif Swyddog Gweithredol

Cyfradd Dâl

£33,366 (£34,433.71 ar lwyddo i dderbyn cadarnhad mewn swydd, fel arfer wedi 6 mis)

TASGAU A CHYFRIFOLDEBAU ALLWEDDOL

I weithredu, cydlynw a rheoli strategaeth ariannu genedlaethol y sefydliad, gan sicrhau cyllid cynaliadwy i gefnogi blaenoriaethau'r sefydliad a galluogi parhad mewn rolau, gwasanaethau a phrosiectau allweddol.

1. Datblygu strategaeth ariannu genedlaethol i nodi a gweithredu dull o ddarparu cynaliadwyedd ariannol hirdymor i'r sefydliad.
2. Nodi cyllidwyr, meini prawf grantiau ymchwil a chynnig ceisiadau ariannu yn unol â'r strategaeth ariannu.
3. Arwain proses ysgrifennu cynigion y sefydliadau, gan weithio mewn partneriaeth â'r Tîm Arweinyddiaeth a phartneriaid allanol, i greu cynigion a dogfennaeth sydd wedi'u halinio'n strategol ar gyfer darpar gyllidwyr.
4. Nodi noddwyr masnachol posibl, ymddiriedolaethau elusennol a chyllidwyr / partneriaid posibl eraill.
5. Nodi asiantaethau cymorth busnes lleol a chenedlaethol a sefydliadau menter i ddarparu ffynhonnell gyfeirio gydlynol ar gyfer staff y sefydliad a Chlybiau Gofal Plant All-Ysgol.
6. Darparu canllawiau, hyfforddiant a chefnogaeth i staff ar arferion gorau ysgrifennu grantiau a gweithdrefnau ceisiadau ariannu i wella effeithiolrwydd sefydliadol wrth sicrhau cyllid.


SGILIAU A PHROFIAD CRAIDD

Hanfodol

- Profiad profedig o sicrhau cyllid grant i ysgogi twf cynaliadwy a datblygiad sefydliadol.
- Dealltwriaeth o brosesau ariannu llywodraeth genedlaethol a lleol.
- Sgiliau wrth ddatblygu a gweithredu strategaeth ariannu gynhwysfawr, gan gynnwys gosod nodau, amserlenni a chynlluniau gweithredu ar gyfer ceisiadau ariannu cenedlaethol a rhanbarthol.
- Sgiliau cyfathrebu rhagorol, ar lafar ac yn ysgrifenedig.
- Profiad o weithio mewn partneriaeth i gyflawni canlyniadau sy'n seiliedig ar brosiectau.
- Gwybodaeth ragorol am gynllunio a chostio prosiectau cymwysiaid taenlen a siart Gannt.
- Addysg hyd at lefel gradd neu gyfwerth a/neu brofiad profedig o godi arian.
- Gwybodaeth am ddiwylliant Cymru a'i weithrediad, yng nghyd-destun materion gofal plant a chwarae, a rôl Clybiau Gofal Plant All-Ysgol, o fewn yr agenda economaidd.
- Gwybodaeth a dealltwriaeth o reoliadau, gofynion a deddfwriaeth arall cyfredol AGC, e.e. CCUHP, amddiffyn plant, diogelu, iechyd a diogelwch a chyfle cyfartal a gwrth-hilioldeb.
- Sgiliau cyfathrebu da, ar lafar ac yn ysgrifenedig, a'r gallu i weithio gydag amrywiaeth o wahanol bobl o arweinwyr clwb ac aelodau pwyllgor i bersonél awdurdod lleol ac aelodau tîm eraill.
- Y gallu i ysbrydoli a chymell eraill.
- Y gallu i weithredu ar eich menter eich hun, rheoli eich llwyth gwaith eich hun a gweithio fel rhan o dîm.
- Y gallu i gynnal systemau a chofnodion ar gyfer gweinyddu adroddiadau'n effeithiol.
- Llythrennedd cyfrifiadurol gan gynnwys defnyddio cronfeydd data.

Dymunir

- Y gallu i siarad ac ysgrifennu Cymraeg.



MEINI PRAWF CYMHWYSEDD

AMCAN 1.

Datblygu strategaeth ariannu genedlaethol i nodi a gweithredu dull o sicrhau cynaliadwyedd ariannol hirdymor i'r sefydliad.

MEINI PRAWF PERFFORMIAD

- Llunio strategaeth ariannu sefydliadol ar y cyd â'r Tîm Arwain a'r Bwrdd Ymddiriedolwyr.
- Llunio cynllun gweithredu yn unol â'r strategaeth ariannu, er mwyn cynllunio ceisiadau am gyllid a fydd yn cynnwys ceisiadau cenedlaethol a rhanbarthol i gefnogi'r sefydliad a'r Clybiau Gofal Plant All-Ysgol.
- Ymchwilio a llunio adroddiadau ar gyfer y Prif Swyddog Gweithredol a'r Bwrdd Ymddiriedolwyr ynghylch ffynonellau cyllid newydd ar gyfer gwahanol lefelau o gyllid.

AMCAN 2.

Nodi cyllidwyr a meini prawf grantiau ymchwil, a chynnig ceisiadau am gyllid yn unol â'r strategaeth ariannu.

MEINI PRAWF PERFFORMIAD

- Cydlynu a chynnal cronfa ddata neu system o'r ceisiadau am gyllid a wnaed ledled Cymru a'u canlyniadau.
- Bod y prif bwynt cyswllt ar gyfer cyfleoedd ariannu, gan gynnwys Funding Wales, Community Foundation Wales, Sell2Wales a Proactis. Cadw'n ymwybodol o'r cyllid sydd ar gael ac ymchwilio'n ddyfnach i'r manylion, ac yna rhannu cyfleoedd addas gyda'r holl staff ac, o bosibl, clybiau.
- Drafftio cynigion prosiect bras ar gyfer cyllidwyr a nodwyd, gan weithio gydag aelod perthnasol o'r Uwch-dîm i sicrhau bod y cynigion yn diwallu anghenion eu hadran ac wedi'u teilwra i ofynion penodol y cyllidwyr.

AMCAN 3.

Arwain proses ysgrifennu ceisiadau'r sefydliad, gan weithio mewn partneriaeth â'r Tîm Arweinyddiaeth a phartneriaid allanol, i greu cynigion a dogfennau sy'n cyd-fynd â'r strategaeth ar gyfer darpar gyllidwyr.

MEINI PRAWF PERFFORMIAD

- Ysgrifennu ceisiadau cyllido manwl, perswadiol, gan ddilyn amlinelliad y prosiect y cytunwyd arno, i gynnwys costau ac amserlen gywir wedi'u hariannu'n llawn, sicrhau cydymffurfiaeth â chanllawiau'r cyllidwyr i wneud y mwyaf o'r gyfradd llwyddiant.
- Adolygu'r holl ffurflenni cais am gyllid, cynigion a grantiau i gynnal safonau uchel cyn eu prosesu a'u cyflwyno i'w cymeradwyo gan y Prif Swyddog Gweithredol, gan sicrhau cywirdeb mewn ceisiadau,
- Gweithio gyda'r tîm cyllid a'r tîm uwch i sicrhau bod yr holl geisiadau cyllido yn cyd-fynd ag anghenion cyllidebol y sefydliad ac yn adlewyrchu'n gywir ddyraniad adnoddau a rhagamcanion ariannol.
- Sefydlu cyfarfodydd cychwyn prosiect i sicrhau bod rheolwyr prosiect ac eraill yn sicrhau dogfennaeth gywir a chynhwysfawr o ganlyniadau prosiect, gwariant ariannol, effaith gyffredinol a monitro ac adrodd yn unol â gofynion a therfynau amser y cyllidwr.

AMCAN 4.

Nodi noddwyr masnachol posibl, ymddiriedolaethau elusennol a chyllidwyr neu bartneriaid posibl eraill.

MEINI PRAWF PERFFORMIAD

- Creu cronfa ddata/system o sefydliadau a chysylltiadau rhanbarthol a chenedlaethol a all gefnogi Clybiau Plant Cymru Kids' Clubs.
- Ymchwilio i noddwyr posibl a chysylltu â nhw ar gyfer y seremoni wobrwyo flynyddol/gwobrau arolwg.
- Hyrwyddo prynu lle i hysbysebu yn *Y Bont*.
- Archwilio partneriaid posibl i ddarparu manteision aelodaeth.

AMCAN 5.

Nodi asiantaethau cymorth busnes a sefydliadau menter lleol a chenedlaethol er mwyn ddarparu ffynhonnell gyfeirio gydlynol ar gyfer staff y sefydliad a Chlybiau Gofal Plant All-Ysgol.

MEINI PRAWF PERFFORMIAD

- Creu adnodd sy'n rhestru asiantaethau cymorth posibl ar gyfer y sector, y gellir ei ddarparu i staff ac aelodau ar ffurf electronig a'i rannu mewn bwletinau wythnosol.
- Paratoi cynnwys ar gyfer tudalen mewn cylchlythyr chwarterol – a anfonir at bob clwb a'r holl staff – sy'n amlinellu ffynonellau cyllid sydd ar gael, awgrymiadau ar gyfer gwneud ceisiadau, a manylion am yr hyn sy'n gwneud cais am gyllid yn 'dda'.
- Sicrhau bod cyfleoedd cyllid newydd ar ein gwefan yn cael eu diwedddaru'n wythnosol i gyd-fynd â'r bwletin.

AMCAN 6.

Darparu arweiniad, hyfforddiant a chymorth i staff ar arferion gorau wrth lunio ceisiadau am grantiau a gweithdrefnau gwneud cais am gyllid.

MEINI PRAWF PERFFORMIAD

- Gweithio gyda Swyddogion Datblygu Busnesau Gofal Plant (CBDOs) i ddarparu arbenigedd a gwybodaeth i gynorthwyo gyda'r broses ymgeisio am grantiau.
- Cynghori staff ar geisiadau a chynnal hyfforddiant ar gyllid mewn cyfarfodydd priodol er mwyn gwella effeithiolrwydd y sefydliad wrth sicrhau cyllid.

SUT I YMGESIO

Mae cynigion cyflogaeth yn amodol ar eirdaon boddhaol, gwiriadau hunaniaeth a gwiriadau DBS (os yn gymwys) ar y lefel briodol.

CWBLHEWCH Y CAIS ELECTRONIG YMA

CWBLHEWCH Y FFURFLEN MONITRO CYFLE CYFARTAL YMA

Gwyddom y gall cyfweiliadau fod yn brofiad brawychus. Os cewch eich rhoi ar y rhestr fer, rydym am eich gwneud yn gyfforddus drwy:

- Cynnig y cyfle i siarad ag aelod o'r tîm cyn y cyfweiliad i sgwrsio.
- Ymrwymo i ddeall yn llawn unrhyw anghenion ychwanegol a/neu unrhyw ofynion mynediad sydd gennych a rhoi unrhyw ofynion angenrheidiol yn eu lle o fewn amser da.
- Rhannu fformat y cyfweiliad a'r hyn a ddisgwylir gennych ymlaen llaw, er mwyn i chi allu paratoi'n dda, a theimlo'n fwy cyfforddus a rheolaethol, a fydd hefyd yn ein helpu i gael y gorau ohonoch.
- Sicrhau panel cyfweld sy'n gynrychioliadolol o'r.

Rydyn ni am i'r profiad fod yn un dymunol y byddwch chi'n myfyrio arno'n gadarnhaol waeth beth fo'r canlyniad. Edrychwn ymlaen yn fawr at ddarllen amdano, i ddod i'ch adnabod ymhellach.

Byddwn yn rhoi gwybod i chi! P'un a ydych yn llwyddiannus ai peidio ar bob cam o'r rhestr fer, byddwn mewn cysylltiad â'r camau nesaf ac yn hapus i gynnig adborth i chi ar eich cais/cyfweiliad.

Y dyddiadau allweddol:

- Dyddiad cau ar gyfer ceisiadau – 23/08/2026
- Gwahodd ymgeiswyr i gyfweiliad erbyn – 26/08/2026
- Cynhelir cyfweiliadau yn ystod yr wythnos yn dechrau – 31/08/2026

I gael cymorth gyda'ch cais neu i drafod y broses recriwtio gallwch gysylltu â'n Uwch Weinyddwr Cyffredinol cyfeillgar Becci.



02920 741000



recruitment@clybiauplantcymru.org



**Mae Clybiau Plant Cymru Kids' Clubs yn
bodoli i helpu cymunedau yng Nghymru drwy
hyrwyddo, datblygu a chefnogi clybiau gofal
plant all-ysgol sydd o ansawdd, yn
fforddiadwy ac yn hygyrch.**

Rydym yn gyfundrefn Gymru-eang sy'n helpu i sefydlu, datblygu a chefnogi clybiau gofal
plant all-ysgol. Rydym yn helpu clybiau, neu ddarpar glybiau, i wneud ceisiadau a gyllid ac
rydym yn hyfforddi a chefnogi staff yn ystod sefydlu clwb ac yna yn ei rediad.

POB HWYL GYDA'CH CAIS!

www.clybiauplantcymru.org